

ՄԱՆԿԱՎԱՐԺԱԿԱՆ

ՊԷՏԺ Է ՏՂԱՅ ՈՒ ԱՂՋԻԿ ՄԻԱՍԻՆ ԴԱՍՏԻԱ-
ՐԱԿՈՒԻՆ ԵՒ ՈՒՍԱՆԻՆ*):

Է. ՄՕՅԼԼՍ ԵՒ Է. ԹՈՒԼԻ:

III.

Ո՞րչափ լայն է տարածւած միտքեղ ուսուցման սիսեմը
Անգլիայում եւ ի՞նչպիսի յաջողութեամբ:

Անգլիան արդէն ունի մի քանի ընդարձակ և ծաղկող միա-
ցեալ դպրոցներ: Սրանցից մի քանիսը հիմնուած են արդէն վա-
ղուց, սակայն միատեղ ուսուցումը մտցրել են միայն յետագայ
տարիներում: Աւելի քաղմաթիւ են այն մասնաւոր ձեւաբանները,
ուր տղայ-աղջիկները միատեղ ուսուցումը մուծուած է հէնց
սկզբից: Այդ կարգի ամենաաչքի ընկնող դպրոցներից մէկն է
հանդիսանում Քեզվիքինը, հիմնուած գեղեցիկ լճային վայրի ուղիղ
կենդրոնում: Այս նորամուծման նախաձեռնողն էր Կանոնիկոս
Ռաուենսլէյը, վարչութեան նախագահը և համոզուած կողմնակիցը
միացեալ ուսուցման: Փորձը բոլորովին յաջող դուրս եկաւ: Տղա-
ները դպրոցում գրեթէ նոյնքան են, որքան և աղջիկները և դա-
սատունների թուում կան անձինք երկու սեռից: Յէջիլ Գրանդի
կառավարչութեան տակ գտնուած այդ դպրոցը, արժանացել է
ամենագովասանական կարծիքի տեղական համալսարանական տե-
սուչների կողմից: Այսպէս՝ դոկտոր Վայլսոյլը, յայտնելով, որ
ինքը այցելել է այդ դպրոցը «չը տածելով առանձին հետաքրքրու-
թիւն դէպի միատեղ ուսումը և, ի հարկէ, առանց փոքրագոյն
կողմնապահութեան», ծայրաստիճան համակրանքով է ալտայայ-
տուում, այնտեղ տիրող ոգու և կարգապահութեան մասին:

Դպրոցում կան տարբեր հասակի ուսանողներ, որովհետև
մեծերը այնտեղից անմիջապէս մտնում են համալսարան:

Խառն սիստեմը միացեալ ուսուցման այստեղ կրել է բաւա-
կան ծանր փորձութիւններ: Երբ առաջին անգամ ենթադրուում
էր բանալ Քեզվիքեան դպրոցի դռները ինչպէս աղջիկների այն-

*) Տես Արարատ, 1914 թ. նոյեմբեր:

պէս և տղաների առաջ, գտնուեցին ոչ փոքրաթիւ մարդիկ, որոնք նախագուշակում էին դրան անխուսափելի անյաջողութիւն և կործանումն: Շատերը կասկածում, իսկ մի քանիսները դրականօրէն բացասում էին հնարաւորութիւնը՝ պահպանել կանոնաւոր կազմակերպումն և կարգապահութիւնը համայնական դպրոցի այն կօլլեջում, ուր տղաների կողքին կրթուելու էին և աղջիկները: Սակայն ամենայամառ կասկածամիտներն էլ կարճ միջոցում ստիպուած էին խոստովանել, որ Քէզվիքեան դպրոցը ծաղկում է, նոր սիստեմով այնպէս, ինչպէս դեռ երբէք նրան չէր յաջողել, մինչ այդ ատենը: Այդ դեռ քիչ է, ըստ միաձայն խոստովանութեան անաչառ ուսումնասիրողների, դպրոցի ոգին չափազանց բարեկաւում էր շնորհիւ այդ փոփոխման և ոչ մի անգամ չէր պատահում և ոչ մի անցանկալի դիպուած, որը կարողանար խաւարել յաջողութիւնը այդ փորձի:

Միատեղ ուսուցման սիստեմն ընդունած բազմաթիւ մասնաւոր դպրոցներից մենք վերցնում ենք Բիդէյլեան դպրոցը, որը կարող է ծառայել իբրեւ ընդունող օրինակ: Բիդէյլեան դպրոցը, թէպէտ մասնաւոր, սակայն չէ իբրեւ շահագործման ձեռնարկութիւն: Միատեղ ուսուցման ներմուծումը և մի քանի աղջիկների ընդունումը, իբրեւ աշակերտուհիներ, սպառնում էին դպրոցին սկզբում լուրջ դրամական կորուստով, որովհետեւ մի քանի զայրացած ծնողներ շտապեցին սկզբում հանել այնտեղից իրենց տղաներին: Բարերազգարար, դպրոցի վերատեսուչ Բադլէյը հնարաւորութիւն ունէր սպասելու, մինչև որ ակնյայտի յաջողութիւնը նոր սիստեմի ընկճեց յամառ և անիմաստ կանխակարծիքը, որը գոյութիւն ունէր սկզբում նրա դէմ: Հետևանքը արդարացրեց նրա սպասելիքները: Միացեալ ուսուցումը դուրս եկաւ և այստեղ նոյնքան յաջող, որքան և Քէզվիքում, և կարճ միջոցում ուսանողների թիւը Բիդէյլում անցաւ սկզբնականից: Այդ ժամանակէն նրա յաջողութիւնը անընդհատ աւելի ու աւելի ուժանում է:

Մենք մտադիր չենք այստեղ հաշիւ տալու այն բազմաթիւ դպրոցների և կօլլեջների մասին, որոնք առաջ եկան վերջին մի քանի տարիներում և որոնք հետեւում են տղայ-աղջիկների միացեալ ուսուցման սիստեմին: Բայց և այսպէս մենք հարկ ենք տեսնում յիշել համեմատաբար ոչ շատունց հիմնած Այլֆրեդ Թադաւորի դպրոցները Համպտեղում, ոչ միայն այն պատճառով, որ մայրաքաղաքին մօտ են, այլ և այն պատճառով, որովհետեւ միատեղ ուսուցումը այնտեղ առաջ է տարւում բաւական լայն ծաւալով, որպէսզի լրիւ հասկացողութիւն կազմուի այդ սիստեմի առաւելութիւնների մասին:

Այժմ մի ընդհանուր հայեացք քցենք միացեալ ուսման դրպ-

բոցների ամենօրեայ կեանքի վրայ և դրա համար առնենք Ռէ-
դէյլինը, իբրև ամենարնոշողը այդ սիստեմն ընդգրկող բոլոր հիմ-
նարկութիւններից:

Աղջիկ-աշակերտուհիները քնում են բաժան առանձին, իրենց
առանձին դաստիարակի հսկողութեան տակ, և միանում են տղա-
ներին գլխաւոր շէնքում, նախաճաշից յետոյ ու այնտեղ են մնում
օրուայ մեծ մասը: Աղջիկները ուսանում են ընդհանուր դասա-
րաններում տղաների հետ և մասնակցում են նրանց խաղերի մեծ
մասին, բացառութեամբ մրցաճիւղի: (ФУТБОЛЪ): Այն ժամերին,
երբ տղաները զբաղւում են պարտիզային աշխատանքով և շէն-
քերի վրայ, աղջիկներին սովորեցնում են կարուձև և տնտեսու-
թիւն:

Սրանից երևում է, որ այստեղ ձգտում չկայ կրթել երկու
սեռը բոլորովին միատեսակ: Նրանց մէջ գոյութիւն ունեցող տար-
բերութիւնը ընդունւում է բացարձակ և դրանցից իւրաքանչիւրը
նախապատրաստւում է այն խնդրի համար, որպիսին նրան վի-
ճակուած է իրագործելու կեանքում: Իսկապէս, մեծագոյն մոլո-
րութիւն է երեակայել, իբրև թէ միացեալ ուսուցման բոլոր պաշ-
տպանները ցանկանում են տալ կատարեալ միատեսակ ուսմունք
ինչպէս տղաներին, նոյնպէս և աղջիկներին: Այդտեղ ձգտում են
հասնել հաւասար և ոչ նոյնատեսակ զարգացման, և գլխաւորա-
պէս ի չիք դարձնելու գոյութիւն ունեցող անօգուտ, անբնական
և վերին ծայր ֆլասակար անջատումը:

Աղջիկները, բնականից իբրև աւելի զգայուն, աւելի արագ
տպաւորութիւններ ներընդունող, բայց պակաս հաստատուն պա-
հոջներ, կարօտում են նոյնպէս իրենց եղբայրների ազդեցութեանն
ու օրինակին, ինչպէս և եղբայրները նրանց ազդեցութեանը:
Մինչ այս ատենները մենք առանձնացնում էինք երկու սեռերը,
և այս կերպ ուժեղացնում էինք նոյն այն պակասութիւնները,
որպիսիք յուսով էինք ուղղել: Տարբերութիւն վարուեցողութեան
մէջ անխուսափելի պէտք է լինի ինչպէս աշխատանքի այնպէս և
խաղի միջոցին—տարբերութիւններ, համապատասխան ուրոյն
հոգեկան և մարմնական կազմերի, սակայն այդ լիովին իրագոր-
ծելի է առանց առանձնացման մեր պատանիների և աղջիկների
յատկապէս կեանքի այն ժամին, երբ նրանց փոխ ազդեցութիւնը
շատ աւելի օգտաւոր է:

Միացեալ ուսուցումը պէտք է ըստ հնարին անընդհատ
լինի: Այդ սիստեմը կարող է լրիւ փորձի ենթարկուել միայն այն
գալրոցներում, ուր աշակերտ-աշակերտուհիները մտնում են երե-
խայութիւնից և մնում են յընթացս ուսման շրջանի ամենամեծ
մասը: Ահա թէ ինչու մենք այստեղ ընթերցողի ուշադրութիւնը

չենք հրաւիրում այնպիսի հիմնարկութեանց վրայ, օրինակ Beading Colleg-ը, որտեղ ուսանում են սահմանափակ ժամանակի ընթացքում տղայ ու աղջիկներ, ստանալով սկզբնական կրթութիւնը անշատ դպրոցներում: Նման կօլլեջները օգտաշատ են Անգլիայի շատ մասերում, բայց այնտեղ ուսանողները արդէն դուրս եկած են մանկական շրջանից, և նրանց հոգեկան ունակութիւնները արդէն որոշ աստիճան ձեւակերպուած են:

Այդ սխտեմը լրիւ փորձի ենթարկելու համար պէտք է տղայ ու աղջիկ անմիջապէս, ընտանիքի միջավայրից մտնեն միացեալ ուսումնարանները առանց որ և է առանձնացումի ընդմիջման: Մենք գլխաւոր ուշադրութիւն դարձնում ենք ընաւորութեան զարգացման, բարոյական յատկութիւնների ուղեւորման վրայ, իսկ այդ բանին հասնել կարելի է միայն մանկութեան անմշակ տարիներում:

Կարգապահութեան խնդիրը չի ներկայացնում ոչ մի առանձին դժուարութիւն միատեղ ուսուցման դպրոցներում: Այնտեղ, ուր գոյութիւն ունի դասարանական հսկման սխտեմը (prefectual), ինչպէս, օրինակ Քէյպթովը, աղջիկները գտնւում են իրենց հարազատ ընկերուհիների դասարանական հսկողութեան տակ, որոնք օգտւում են լրիւ իշխանութեամբ բոլոր նուազ կարեւոր գործերում, և կարգը պահպանւում է ամենանուազ ընդհարումներով: Բայց նոյն իսկ այն դպրոցներում, որոնք չեն հետևում այդ մեթոդին, փորձն անպարտաւոր է, որ միատեղ ուսուցման ընթացքում դասատուների հոգսը զգալի չափով հեշտանում է: Աղջիկները, հէնց իրենց ընդթքով, աւելի դիւրամբոնող են քան տղաները, և նրանց օրինակը գեղեցիկ ազդեցութիւն է ունենում տղաների վրայ: Դիմենք նորէն Քէյպթովեան համալսարանի տեսուչ Դ-ր Վայլփոյլի հաշուէտութեանը. — «Անվիճելի է, ասում է նա, որ աղջիկների ու վարժուհիների ներկայութիւնը ունի մեծ ազդեցութիւն, որն ամեն տեղ զգալի է: Տղաների մէջ նկատւում է մեծ հեզութիւն և քաղաքավարութիւն, ինչպէս ուսման ժամերին այնպէս և խաղերին, որը չի կարելի չվերագրել միատեղ ուսման ազդեցութեանը»:

Ուսուցչական խմբի կազմը, միատեղ ուսուցման դպրոցներում, պէտք է բաղկացած լինի մօտաւորապէս համաքանակ՝ վարժապետներից և վարժուհիներից: Շատ դպրոցներում մենք հէնց դրան էլ հանդիպում ենք, և եթէ այդ դեռ պակասում է բոլոր դպրոցներում, պատճառն այն է, որ լաւ զարգացած վարժուհիների թիւը դեռ շատ սահմանափակ է: Սակայն այդպիսի վարժուհիներ որոնելու դժուարութիւնը աստիճանաբար չքանում է, այն չափով, որքան կնոջ դաստիարակումը դառնում է աւելի ու աւելի գործնական և մեթոդիք:

Միատեղ ուսման ոչ մի դպրոց չի կարող, իրապէս, եօլայ գնալ առանց շարժական խաղեր ու մարմնամարզութիւն գիտցող և առհասարակ ֆիզիքական զարգացման մասնագէտ վարժուհու օգնութեան, որը ոչ միայն ուսուցանելու է աղջիկներին, նրանց սեռին յատուկ մարմնամարզական վարժութիւններ, այլ և պատասխանատու է նրանց ֆիզիքական բարեկեցութեանը: Զի կարելի ժխտել այն փաստը, որ աղջիկները խիստ հակամէտ են ի չարը գործ դնելու իրենց ոյժերը ինչպէս խաղամիջոցներին, այնպէս էլ մարմնամարզական վարժութիւններին, և բարեխիղճ վարժուհին, մի քանի բժշկական տեղեկութիւնների գիտակ, շատ աւելի պէտք է նրանց, քան թէ նրանց աւելի ուժեղ եղբայրներին: Նախապաշարմանց մի նշանաւոր մասը, որ տիրում է որոշ խաւերում, կանխակարծիքներ, որոնք բացասում են կանանց համար բացօդեայ մրցախաղերի (спортъ) օգտակարութիւնը, հիմնուած են այն փնասակար հետեանքների վրայ, որոնք յաճախ յառաջ են գալիս իբրև հետեանք այդ նախազգութիւններն անտես առնելուն:

Սոքա են գլխաւոր ընդհանուր գծերը, հիմնադրած մեր միջնակարգ միատեղ ուսման դպրոցներում, թէպէտ նման դպրոցները դեռ քիչ են, բայց նրանց թիւը արագ աճում է, այն չափով, որ քան այդ սիստեմի յաջողութիւնը դառնում է աւելի ու աւելի անվիճելի, և հրա առաւելութիւնները շատ ակնբախ: Մինչև անգամ մեր (Անգլիայի) աւելի հնագոյն և նշանաւոր համայնական դըպրոցները սկսել են բարեհաճ վերաբերուել դէպի նոր շարժումը և Վինչեստերեան կոլլեջի նշանաւոր տեսուչներից մէկը, քառասնամեայ ծառայութենէն վերջը հանգստեան դուրս գալով, իւր հրաժեշտի ճառի մէջ իրեն կողմնակից յայտարարեց միացեալ ուսման նորագոյն սիստեմին:

Վոխադը. Երուսնդ Բահ. Նալբանդեան.

(կշարունակուի)